

Ministarstvo unutrašnjih poslova Kantona Sarajevo, UPRAVA POLICIJE, ulica La Benevolencija broj 16, koju zastupa policijski komesar, Generalni inspektor policije Fatmir Hajdarević, (u daljem tekstu Ugovorni organ)

i

BH Telecom d.d. Direkcija Sarajevo, Zmaja od Bosne 88, ID: 4200211100005, koga zastupa direktor Edin Kapo, (u daljem tekstu Dobavljač)

zaključili su:

UGOVOR O NABAVCI USLUGA MOBILNE TELEFONIJE I INTERNETA

Član 1.

Predmet ugovora je nabavka usluga mobilne telefonije i interneta, za potrebe Uprave policije Ministarstva unutrašnjih poslova Kantona Sarajevo, i to:

1. Mjesečno Internet za radare

Pretplata za uslugu – NetFlat Office 5 – 1 pretplata

2. Mjesečno za mobilnu telefoniju – Pretplata Extra L:

Za telefonski broj:
(061- 477-195) - Extra L – paket

3. Mjesečno INTERNET ZA RADARE

Za telefonske brojeve:
(061- 478-436) - Extra M – paket
(061-478-793) – Extra M – paket
(061-248-303) – Extra M – paket
(061-137-167) – Extra M – paket
(061-482-252) – Extra M - paket

Nabavka je izvršena putem direktnog sporazuma, na osnovu odluke broj 02-11-4-475/26 od 16.01.2026. godine.

Ponuda Dobavljača broj: 08.2.2-22-5745/26 od 23.01.2026. godine je sastavni dio ovog Ugovora.

Član 2.

Ukupna vrijednost ovog ugovora iznosi 4.200,00 (četirihiljadedvjestotine i 00/100) KM bez PDV-a.

Dobavljač se obavezuje da se cijene iz Ponuda neće mijenjati do isteka ovog Ugovora.

Član 3.

Dobavljač se obavezuje da će usluge iz člana 1. ovog Ugovora pružati tokom cijelog perioda važenja ovog Ugovora.

Član 4.

Dobavljač je dužan blagovremeno pružati ugovorene usluge iz člana 1. ovog Ugovora po profesionalnim, stručnim i uobičajenim standardima koji važe za vrstu usluga koje su predmet naravke.

Dobavljač se obavezuje da će usluge pružati u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na način kvaliteta izvršene usluge.

Ukoliko se konstatuju određeni nedostaci u kvalitetu ili kvantitetu izvršenih usluga sačinjit će se zapisnik o reklamaciji.

Davalac usluga se obavezuje priznati reklamaciju na kvantitet i kvalitet izvršenih usluga, koja će biti praćena zapisnikom o reklamaciji, uz obavezno navođenje nedostataka izvršene usluge.

Način i rok otklanjanja grešaka bit će utvrđen zapisnikom o reklamaciji.

Član 5.

Plaćanje se vrši u mjesečnim iznosima, u roku od 30 (trideset) dana od dana urednog izvršenja usluge i dostavljanja pojedinačne fakture, na tekući račun Dobavljača.

Član 6.

BH Telecom se obavezuje da će omogućiti Ugovornom organu neometano korištenje elektronskih komunikacijskih usluga iz člana 1. Ugovora kao i usluga koje su u vezi s predmetom Ugovora u skladu sa Opštim uslovima za pružanje elektronskih komunikacijskih usluga, Specifičnim uslovima, Cjenovnikom dobavljača koji su dostupni putem službene web stranice BH Telecoma, a čija primjena se ugovora u odnosu na sve što nije regulisano ovim ugovorom.

BH Telecom se obavezuje da će elektronske komunikacijske usluge iz člana 1. pružati na kvalitetan način i s pažnjom dobrog privrednika.

BH Telecom se obavezuje da svojim ponašanjem i aktivnostima neće povrijediti tajnost podataka, poruka i dokumenata kojima raspolaže Ugovorni organ.

Član 7.

Dobavljač se obavezuje da se u slučaju promjene ponude paketa i cijena mjesečne naknade za mobilnu telefoniju i internet uslugu kao i drugih uslova obavijestiti Ugovorni organ.

Ugovorne strane su saglasne da se visina mjesečne pretplate kao i izbor ponuđenih paketa ne može korigovati od strane Dobavljača bez saglasnosti Ugovornog organa.

U slučaju promjene visine mjesečne pretplate kao i izbora paketa, Ugovorne strane su obavezne zaključiti novi Ugovor kojim će urediti međusobna prava i obaveze.

Član 8.

Ugovorne strane su saglasne da ukoliko ugovorni organ prekorači potrošnju obuhvaćenu ugovorenim paketom usluga iz člana 1. ovog Ugovora (pozivi i SMS) usluge će se naplaćivati po redovnom cjenovniku Dobavljača.

Član 9.

Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponuđene usluge nisu u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

Ugovorni organ zadržava pravo raskida ugovora ukoliko usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Dobavljač zadržava pravo raskida Ugovora ukoliko Ugovorni organ ne izvršava obaveze iz člana 5. ovog Ugovora.

Ugovor se može raskinuti iz razloga predviđenih Zakonom o obligacionim odnosima.

Član 10.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 11.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.


U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.


Član 12.

Ovaj Ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

Član 13.

Ugovor stupa na snagu danom potpisivanja ovlaštenih predstavnika i traje do realizacije ugovorene vrijednosti i ugovorenih obaveza ugovornih strana, a primjenjuje se od dana 01.01.2026. godine.


DOBAVLJAČ
BH Telecom d.d.
Direkcija Sarajevo

direktor
Edin Kapo


UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Fatmir Hajdarević

Broj :

Datum :

Broj: 02-11-4-475-3/26

Datum: 30.01.2026. godine